

**Ugovor o javnoj nabavci usluge
Internet za 2021. godinu**

Zaključen u Sarajevu, između Ugovornih strana:

Zavod za informatiku i statistiku Kantona Sarajevo, Ulica Reisa Džemaludina Čauševića 1,
71000 Sarajevo, kojeg zastupa direktor Dino Šehović (u dalnjem tekstu: Naručilac)

i

Logosoft d.o.o. Sarajevo, Ulica Grbavička 4, 71000 Sarajevo, kojeg zastupa Mirela Sofić (u dalnjem tekstu: Izvršilac).

PREDMET UGOVORA

Član 1.

(1) Predmet Ugovora o javnoj nabavci usluge (u dalnjem tekstu: Ugovor) je pristup internetu (internet link i komunikacione veze za udaljene lokacije) za organe uprave Kantona Sarajevo za 2021. godinu, u skladu s predmetnom tenderskom dokumentacijom, specifikacijom robe i ponudom Izvršioca, broj: 116-02-SA/20 od 04.12.2020. godine, koja čini sastavni dio ovog Ugovora, u skladu s važećim tehničkim propisima, normativima i obaveznim standardima koji važe za nabavku i isporuku ovih vrsta usluga.

(2) Predmet Ugovora je pružanje internet komunikacionih usluga koje se sastoje od:

- a) usluge stalnog Internet linka, odnosno stalnog pristupa internetu optičkom vezom brzinom od najmanje 80/80 Mbps
- b) usluge povezivanja udaljenih lokacija putem VPN veze:
- 1) sa lokacije Aleja Bosne Srebrenе bb (Studentski dom poslovna zgrada, do čvorišta zgrade), optičkom vezom, brzinom od najmanje 50/50 Mbps;
- 2) sa lokacije Hamida Dizdara 1 (zgrada Stupex), optičkom vezom, brzinom od najmanje 30/30 Mbps;
- 3) sa lokacije Branilaca Sarajeva 21 (zgrada ZOI), optičkom vezom, brzinom od najmanje 20/20 Mbps;
- 4) sa lokacije Dalmatinska 2 (II sprat), brzinom od najmanje 20/20 Mbps.

(3) Izvršilac Naručiocu garantuje da će navedene usluge biti pružene na način i pod uslovima određenim u Ponudi Izvršioca, ovom Ugovoru i pripadajućim prilozima Ugovora.

(4) Tehničke karakteristike usluge stalnog Internet linka:

- a) internet link se uspostavlja preko optičkog linka;
- b) neograničen promet saobraćaja;
- c) Izvršilac garantuje specificiranu brzinu prema Naručiocu u svakom trenutku i u oba smjera (upload i download);
- d) u mjesecnu cijenu usluge je uračunato iznajmljivanje 24 javne IP adrese, s mogućnošću povećavanja ovog broja prema potrebama Naručioca;
- e) svu opremu potrebnu za uspostavu Internet linka i komunikacione veze obezbjeđuje Izvršilac i najam iste uključen je u ukupnu mjesecnu cijenu usluge;
- f) mogućnost stalnog nadzora iskorištenosti Internet linka putem web interfejsa;
- g) tehnička podrška obezbjedena 24 sata dnevno, svih sedam dana u sedmici, uz vrijeme odziva od maksimalno 30 minuta od prijave problema u svrhu rješavanja problema.

(5) Izvršilac je dužan obezbijediti:

- a) povezanost sa 2 naddavaoca sa minimalnom brzinom od po 2Gbps;

- b) garantovana dostupnost za korisnika od 99,8%, gubitak paketa manji od 5%, latencija između; lokacija maksimalno 50msec, latencija ka evropskoj kičmi internet saobraćaja 50msec;
- c) uključeno korištenje terminalne opreme s Ethernet izlazom;
- d) kopija DNS zone za sve domene sa primarnog servera DNS servera korisnika;
- e) dostupna grafička evidencija protoka saobraćaja u vremenu;
- f) uključena tehnička podrška 24 sata dnevno svih sedam dana u sedmici, uz vrijeme odziva od maksimalno 30 minuta od prijave problema u svrhu rješavanja problema;
- g) osigurani tehnički i administrativni kontakti za korisnika;
- h) neometano hostanje vlastitog izvornog web i mail sadržaja prema svim korisnicima.

CIJENA

Član 2.

Cijena po ovom Ugovoru za predmet Ugovora iz člana 1. iznosi:

Ukupna cijena bez PDV-a: 14.496,00 KM

PDV: 2.464,32 KM

Ukupna cijena s PDV-om: 16.960,32 KM

Slovima: šesnaest hiljadadevetstošezdeset KM i 32/100 kf).

NAČIN PLAĆANJA

Član 3.

- (1) Plaćanje izabranom ponuđaču će se vršiti u roku od 30 (trideset) dana po pružanju predmetnih usluga koje su predmet ovog Ugovora iz Obrasca za cijenu ponude, po ispostavljanju mjesecne fakture u iznosu od 1.208,00 KM bez PDV-a, odnosno 1.413,36 KM s PDV-om od strane Izvršioca, na žiro račun Izvršioca, odnosno podugovarača, koji je dostavljen u ponudi, odnosno u ugovoru o podugovaranju.
- (2) Nema avansnog plaćanja tokom trajanja ugovora.

ROKOVI

Član 4.

(1) Rok za izvršenje predmeta Ugovora iz člana 1. Ugovora iznosi 30 (trideset) dana od dana obostranog potpisa Ugovora.

(2) Ukoliko Izvršilac ne izvrši uslugu u ostavljenom roku, može tražiti od Naručioca produženje roka, ukoliko je do istog došlo iz opravdanih razloga i više sile, a Naručilac ima pravo da Izvršiocu ostavi naknadni primjereni rok.

(3) Ukoliko i u naknadnom roku Izvršilac ne počne s izvršenjem pružanja usluge, Ugovor će se raskinuti jednostranom izjavom volje Naručioca koji zadržava pravo da u tom slučaju zatraži naknadu štete.

(4) Rokovi iz ovog člana mogu se produžiti samo u slučaju više sile i promijenjenih okolnosti i to za onoliko dana koliko traju okolnosti koje su dovele do istih, kao i u slučaju da Izvršilac ne izvrši svoje obaveze u ugovorenem roku, za onoliko dana koliko je potrebno za ispunjenje tih obaveza.

(5) Izvršilac je dužan da zahtjev za produženje roka podnese Naručiocu, čim sazna za razlog zbog koga se rok može produžiti.

(6) Ukoliko Izvršilac svojom krivicom ne izvrši sve ugovorene poslove u roku utvrđenom u ovom članu, dužan je platiti Naručiocu ugovornu kaznu u visini 0,5% od ugovorene cijene za svaki dan zakašnjenja, s tim da ukupan iznos kazne ne može preći 10% od ugovorene cijene.

(7) Ako slučaj više sile spriječi, potpuno ili djelimično, izvršenje obaveza po ovom Ugovoru, ugovorna strana zahvaćena slučajem više sile je obavezna da o nastanku slučaja više sile, o

vrsti i o eventualnom trajanju više sile pismeno obavijesti drugu Ugovornu stranu u roku od 7 (sedam) dana od nastanka slučaja više sile.

(8) Ako se blagovremeno ne javi nastupanje slučaja više sile, Ugovorna strana koja je pogodjena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

(9) Pod višom silom, u smislu prethodnog stava, smatraju se vanjski i vanredni događaji koji nisu postojali u vrijeme potpisivanja ovog Ugovora, koji su nastali mimo volje Ugovornih strana, čije nastupanje i djelovanje Ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogodjena višom silom.

(10) Kao slučajevi više sile smatraju se sljedeći događaji: rat i ratna djelovanja, pobuna, mobilizacija, štrajk u Ugovornim stranama, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglaši kao slučajeve više sile.

(11) Za vrijeme trajanja više sile obaveze Ugovornih strana po ovom Ugovoru miruju, ne primjenjuju se odredbe o ugovornoj kazni, s tim da se rok za izvršenje obaveza Ugovornih strana produžava za period koji odgovara trajanju slučaja više sile i razumno rok za otklanjanje posljedica više sile.

(12) Ukoliko slučaj više sile bude trajao duže od 30 (trideset) dana, Ugovorne strane će se sporazumjeti o daljnjoj sudbini ovog Ugovora.

(13) Ukoliko se Ugovorne strane ne sporazumiju o sudbini Ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu Ugovornu stranu.

NADZOR I PRIMOPREDAJA

Član 5.

(1) Prije početka izvršenja predmeta Ugovora, Izvršilac je dužan da na poziv Naručioca pismenim putem dostavi ime/imena odgovornog/ih lica Izvršioca koja će vršiti ugovorene poslove.

(2) Naručilac je obavezan Izvršiocu dostaviti pisanim putem imena stručnih lica koja su zadužena i ovlaštena za izvršenje ugovorenih obaveza.

(3) Izvršilac garantuje da posjeduje raspoložive kapacitete veza neophodne za zaključivanje ovoga Ugovora.

(4) Izvršilac se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Naručilac.

(5) Izvršilac ne odgovara za sigurnost i tačnost podataka i drugih informacija sa Interneta koje su dostupne Naručiocu.

(6) Datum završetka ugovorenih obaveza je datum potpisivanja zapisnika o primopredaji, nakon provjere kompletnosti i funkcionalnosti koju treba da izvrše stručni članovi Komisije za javne nabavke Naručioca, na lokaciji Naručioca, uz prisustvo ovlaštenih predstavnika Izvršioca.

(7) Stručni članovi Komisije za javnu nabavku su obavezni da počnu sa radom odmah nakon obavještenja Izvršioca da je roba i usluga spremna za primopredaju.

(8) Po završetku pregleda robe, izvršenih radova, usluga i primopredaje dokumentacije, stručni članovi Komisije za javne nabavke su obavezni da sačine zapisnik koji potpisuju i ovjeravaju predstavnici Ugovornih strana.

GARANCIJA ZA UREDNO IZVRŠENJE UGOVORA

Član 6.

(1) Ugovorni organ traži garanciju za uredno izvršenje Ugovora.

(2) Iznos garancije za uredno izvršenje Ugovora je 10% od ukupne vrijednosti Ugovora.

(3) Izvršilac dostavlja garanciju za uredno izvršenje Ugovora u obliku mjenice i mjenične izjave, u iznosu od 10% od ukupne vrijednosti Ugovora, sa klauzulom plativo na prvi pisani poziv Naručioca i bez prava prigovora, sa rokom važnosti: rok izvršenja ugovornih obaveza+30 dana.

(4) Mjenica se dostavlja u originalu, s potpisom i pečatom ponuđača i ne smije biti ni na koji način oštećena.

(5) Garancija za uredno izvršenje Ugovora se predaje Naručiocu u roku od 10 (deset) dana od dana potpisa Ugovora od strane Naručioca.

(6) U slučaju da Izvršilac ne dostavi garanciju za uredno izvršenje Ugovora u skladu s odredbama Ugovora, zaključeni Ugovor se smatra apsolutno ništavnim i u tom slučaju, Naručilac će ponuditi zaključivanje Ugovora drugorangiranom ponuđaču.

(7) Ukoliko Izvršilac ne izvršava Ugovorom predviđene obaveze, Naručilac zadržava pravo na naplatu garancije za uredno izvršenje Ugovora u punom iznosu.

OBAVEZE IZVRŠIOCA

Član 7.

Detaljnije obaveze Izvršioca su utvrđene u članu 1. Ugovora i tehničkoj specifikaciji, Aneks IV, koji su sastavni dio Ugovora.

OBAVEZE NARUČIOCA

Član 8.

(1) Naručilac je obavezan:

a) da u utvrđenom roku uvede Izvršioca u posao i ispuni svoje obaveze koje podrazumijevaju uvođenje u posao;

b) da osigura plaćanje ugovorene cijene na način utvrđen u članu 3. ovog Ugovora.

(2) Oprema ustupljena Naručiocu na korištenje ostaje trajno u vlasništvu Izvršioca i njeno održavanje je u nadležnosti Izvršioca za vrijeme trajanja Ugovora.

(3) Naručilac je dužan opremu koju je dobio na korištenje čuvati i koristiti u skladu s uputama, te s pažnjom dobrog privrednika.

(4) Ukoliko dođe do otuđenja ili oštećenja uzrokovanih neprimjerenum korištenjem opreme, Naručilac se obavezuje Izvršiocu nadoknaditi nastalu štetu.

(5) U slučaju prestanka Ugovora iz bilo kojeg razloga, Naručilac je dužan Izvršiocu vratiti opremu u ispravnom i funkcionalnom stanju, a u slučaju da se prilikom vraćanja opreme na istoj uoči šteta, Naručilac je dužan nadoknaditi protuvrijednost opreme.

(6) Izvršilac nije u obavezi da interveniše na opremi Naručioca koja nije definisana ovim Ugovorom.

(7) Izvršilac neće biti odgovoran za smetnje koje eventualno nastanu zbog neispravnosti opreme u vlasništvu Naručioca, te za sve smetnje nastale zbog radnji ili propuštanja radnji od strane Naručioca ili trećih lica.

RASKID UGOVORA

Član 9.

(1) Ugovorne strane su saglasne da Naručilac može jednostrano raskinuti ovaj Ugovor i zadržati pravo na naknadu štete zbog raskidanja Ugovora i u sljedećim slučajevima:

a) ako Izvršilac kasni s izvršenjem usluge;

b) ako izvršenje usluge ne odgovara ugovorenim;

c) ako Izvršilac dođe u situaciju da ne može izvršiti predmet Ugovora (stečaj, likvidacija i sl.).

(2) Obaveštenje o jednostranom raskidu Ugovora mora se dostaviti drugoj Ugovornoj strani isključivo u pismenom obliku uz obavezno navođenje osnova za raskid Ugovora.

ZAVRŠNE ODREDBE

Član 10.

Za sve što nije predviđeno ovim Ugovorom, primjenjuju se odredbe važećeg Zakona o obligacionim odnosima i drugih pravnih propisa iz predmetne oblasti.

Član 11.

Izmjene i dopune ovog Ugovora mogu se vršiti isključivo u formi aneksa uz pismenu saglasnost obje Ugovorne strane.

Član 12.

Sve eventualne sporove Ugovorne strane će pokušati riješiti sporazumno u duhu dobrih poslovnih odnosa, a u slučaju nepostizanja sporazuma, nadležan je sud u Sarajevu.

Član 13.

Izvršilac kojem je dodijeljen Ugovor o javnoj nabavci nema pravo zapošljavati, u svrhu izvršenja Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje šest mjeseci po zaključenju Ugovora, odnosno od početka realizacije Ugovora.

Član 14.

Ovaj Ugovor stupa na snagu danom potpisivanja od strane ovlaštenih predstavnika Ugovornih strana, a primjenjuje se za period od 01.01.2021. godine do 31.12.2021. godine.

Član 15.

Sastavni dio ovog Ugovora čini ponuda Izvršioca, sa tehničkom specifikacijom.

Član 16.

Ovaj Ugovor je sačinjen u 4 (četiri) istovjetna primjerka od kojih svaka Ugovorna strana zadržava po 2 (dva) primjerka.



